



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De examine eorum, qui præficiendi sunt Parochialibus, & curatis alijs
Ecclesijs, quibusque alia beneficia conferenda sunt.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

vite innocentiam, morum grauitatem, spiritualium exercitationum studium, & vsum diuurniorem in audiendis confessionibus, exercitiorum, prudentiam, ceterasque religioſe pietatis virtutes perpendat. Ei autem, quem potiffimum elegerit, nec verò alii cuiquam conferatur ab eo, cui ius competit, etiam ſi capitulum ſit.

6 Vacante eccleſia parochiali, cuius conferendę ius non ad Epum. diœceſanum, ſed ad aliam, etiam ab Episcopali iurisdictione exemptũ & regularem item ſpectat, edictum de concurſu proponat Episcopus diœceſanus, & quicumq; examẽ eo noie ſubire volent, ad ipſũ conueniant, qui exploratione per examinatores Synodales facta, ex probatis digniorem, & magis idoneum deligat, cui vacans illa eccleſia ab illo cõferatur, cuius ius eſt: ſi ſecus fiat, collatio reſciſſa, nullaque ſit.

Sec. 24. c. 18.

7 Eadem ratio omnis adhibeatur in parochiali eccleſia vacante, quę iuris patronatus eſt eccleſiaſtici, vel mixti, cuius inſtitutio non ad Episcopum diœceſanum, ſed ad alium quemcumque, etiam exemptum, & regularem item, uſuprà pertinet: ita tamen, vt quem Episcopus diœceſanus digniorem elegerit, is à patrono præſentetur ei, ad quem ſpectat, inſtitutio.

Si verò ad Summum Pontificem inſtitutio ſpectat, uel quia in menſibus reſeruatis vacauit, uel alia cauſa, tunc Episcopus digniorem elegat, ex præſcripto earundem litterarum Pii V. à Summo Pontifice inſtituendam. Interea uero dum huius generis examina, & approbationes ſunt, & inſtitutio locum habeat, idem Episcopus diœceſanus idoneũ Vicarium qui onera uacantis illius Eccleſię ſuſtineat, attributa ei congrua, pro arbitrio ſuo fructuum portione, conſtituat, donec ei rector præficiatur.

Sec. 14. c. 28.

De examine eorum, qui præficiendi ſunt parochialibus, & curatis aliis eccleſiis, quibusque alia beneficia conferenda ſunt, inſtitutiove facienda eſt.

S Y M M A R I V M.

Examinatorum officium in ijs approbandis, quibus animarum cura committenda eſt, quibusque beneficia alia conferenda ſunt, quale.

Quę ad ordinis ſacram. pert. 46.

Examiniſ initio oratio de ſpiritu ſancto recitanda, & quę. De foro Episc. 2.

Exam. periculumq; adhibendum in ijs admittendis, de qb. reb. fiat in quibus item probentur ijs, quibus alia beneficia conferenda.

R 2 Liber

*Liber examinum provisionum ecclesiarum parochialium, quę po
examen conf. De cancellario 30.*

*§. de exam. ra l
tione, §. De
iis vero.*



Veratur igitur ab eis parochialibus præficiendis,
experiundoque cognoscatur in primis.

An apti ad sensus percipiendos, non solum, qui
ad grammaticę intelligentiam sumuntur; ve-
rum etiam interioris illos, sanctioresque tam ad
Christi, Ecclesięq. mysteria, & ad spiritualium

vitz modum pertinentes.

An sermonem contexere, habereve sciant.

An si quos habuerint, sumpserint, aut quam illis contexendis
scribendisve rationem adhibuerint, & verò si quos apud se conscrip-
tos tunc habeant, eos ostendant, atque tradant.

An in eo genere aliquid ex tempore possint; tunc ex temporaneo
breuique sermone periculum fiat, quantum concionando valeant.

Atque si tractationis quidem verbi Dei. vsu peritorum parochum.
Ecclesię parochialis, quę committenda est, ratio deposcit; examen ali-
qua ex parte, quę potior examinatorum iudicio videbitur, ineatur ad
interrogationum normam, concionatorum, examen constitutam.

Queratur præterea, an aliàs vniquam animarum curam gesserint;
quod si affirmant; tum interrogentur etiam, & vbi gesserint, & cur in-
de discesserint.

An intelligant quanti illud sit, animarum curam suscipere, rursum
gerere, quęque partes, ac virtutes illę sint, quibus bonum vigilantem
animarum curatorem prædictum esse oporteat.

An item norint impedimenta omnia, quorum causa interdicitum
est, nè quis sacramenta ministret, & nè quis suscipiat.

An sacramentorum, præsertim verò, quorum ille minister est, vim,
& naturam intelligant; atque hæc sigillatim imprimis interrogentur.

Quę vniuscuiusque sacramentorum materia; quę forma item.

Quę eorum efficiens causa, & principalis.

Quę causa efficiens instrumentalis.

Quę causa finalis.

Quę eorum differentia.

Qui effectus, quive fructus.

Qui eorum ritus, quęve cęrimonie.

An maximè omnium peritiam teneant audiendę sacre confessi.

Quos huius generis libros, atque adeo sumas habeant.

Tum periculum fiat, quàm valde casuum conscientię vsu periti sint,
quàmque tum in illis, tum in alijs id generis peritè veritati præter-
timitque in Ecclesiasticis constitutionibus, quę ad rectum vitę vsu,

popu.

populique Christiani mores, & Virtutes pertinent.

An nouerint casus, sanctissimo Papæ, & Episcopo item a iure, & ab homine reseruatos.

Atque adeò diligentius, prout opus erit, de singulis interrogentur, quæ infra præscribentur rationi examinandi confessarios sacerdotes.

Videant præterea examinatores, an aliquam sacrorum Canonum, notitiam habeant, & præcipuè quod ad Tridentinum, & Prouincialia Concilia, Synodosque diœcesanos attinet, an illi hæc norint, quæ sequuntur.

An scilicet doctrinam de præcipuis Christianæ religionis, articulis, quos œcumenica illa Synodus Tridentina contra hæreticos definiuit.

An item quæ de residentia præscripsit.

An quæ etiam de parochis, parochialibusq. ecclesijs, & de diuinorum officiorum cultu, cæterisque eiusdem generis statuit.

An quæ præterea de clericorum honestate sanciuir.

An cætera denique quæ, vel ad cleri, vel ad populi disciplinam, vel ad aliarum rerum reformationem cõstituit, quæ parochi scire, beneq. posse inter sit.

Ex prouincialibus Concilijs sigillatim quærant.

Quæ de clericali vitæ honestate, & de parochorum officiis constituta sunt.

Quæ item de Sacramentorum recta administratione, quæ de Missæ sacrificio, quæ præterea de diuinis officiis.

Quæ etiam de Sacramentalibus, & quæ de festorum dierum veneratione, quæ de ecclesiarum cultu, quæ de scholis doctrinæ Christianæ, quæ de populi Christiana institutione, morumque disciplina, deque alijs ad parochialis vitæ munus potissimum pertinentibus, sancita sunt.

Ex Synodis diœcesanis, eam ipsam, certis capitibus, distinctam examinandi rationem ineant, prout genus decretorum est, quæ in illis Episcopus confecit.

2. Qui causa beneficii, cuiusuis generis, quod tamen curatum non sit ad examen accedit, de eo hæc inuestigentur.

An canonicarum horarum officium ex Breuiarii instituto, rubricisq. rectè recitare sciat.

An doctrina, disciplinaque omni instructus, quam ordo deposcit, quo in irari debet, pro beneficii, officij, dignitatisve ratione, cuius causa examen instituitur.

An peritiam item teneat functionum, quas illius beneficii, dignitatis munerisve ratio postulat.

An teneat quæ scitu necessaria sunt ad functiones illas, vel ordinis, vel beneficii rectè, ritèque præstandas, etiam quæ ad rectè carenti modum, rationemve pertineant.

4. de benef. coll. ac provis.

Quæcumque, & examinis, & approbationis, & collationis, provisionisve ratio, omnifque alia diligens cautio, in Ecclesijs parochialibus, cuiquam ex decreto Tridentino sancita, adhiberi debet; illa ipsa omnis in capellanis, cæterisque beneficijs ecclesiasticis, quocumque nomine nuncupatis; immò verò in ipsis etiam ecclesijs, vel cathedralis, vel collegiatis portionibus, quibus ab institutione, vel consuetudine, aliove quouis iure, & nomine, onus, munusve, animarum curæ, vel exercendæ, vel coadiuvandæ incumbit, aut coniunctum est conferendis, in aliove provisionis eorum modo, teneatur, ac servetur omninò.

5. Quæ ad benef. coll. att.

Cum aliquis examinatur ad aliquod beneficium ecclesiasticum, cui providendum sit, de eo experimentum fiat examine non solum in literarum scientia; sed etiam in cantus peritia ad illius beneficii functiones, ritè, rectè obeundas; tum præterea in usu, ac notitia, quam in recitandis diuini officij horarijs precibus habeat.

De examine, eorum recognoscendæ doctrinæ, & progressionis causa, quibus animarum cura, & alia spiritualia munera, officiaq; committi possint.

S V M M A R I V M.

Examinatorum officium in indagando cleri in studijs progressu, quale.

Quæ ad ordinis sacram. pert. num. 46.

- 1 Examen doctrinæ tantum, progressionisve recognoscendæ causa, ut fiat.
- 2 Classes quattuor eorum, qui doctrinæ experiundæ causa examen subeunt.
- 3 Qui primæ classis.
- 4 Quæ secundæ classis.
- 5 Quæ tertiæ classis.
- 6 Qui quartæ classis.
- 7 Qui inferioris classis.

Liber examinum factorum ad inuestigandam cleri in studijs progressionem à cancellario habendus. De Cancellario. 30.